

金石萃編

金石萃編卷一百二十三

賜進士出身

誥授光祿大夫刑部右侍郎加七級上祀誤

宋十一

興慶池禊宴詩

碑連額高九尺三寸二分廣三尺八寸分六載書每載二十八行行十一字正書隸額在西安府學

上巳日興慶池禊宴詩

并序

夫鳴鐘列鼎以悅當世者王侯之事也緣情屬思以永
欣遇者大夫之職也而況位崇嚴廟伊稷之全謨地控
嶠函漢唐之遺業藩鎮雄於右輔冠蓋盛於佗州揆藻
摘華此焉攸萃良辰美景茲豈難并時維莫春日乃元

已披于南國想像蘭亭之遊出其東門依俚曲水之會
興慶池者開元之故邸也躡鱗巨沼蹴象回淵壯麗盡
於本朝梗槩盈乎一水前頤華萼夾右青門光靈僅存
今昔相視 大尹資政稽遵時憲敦講民熙駕言
出遊仍故不改由是都人士女衽服而嘯倚駟牡鸞旂
供帳而臨襖賓疊有驪燕坐無譁 運副直昭文

劉公潛發詞源廓清吟域首裁雱詠詫大物華有逸民
可聽之談無摯虞不經之說以謂墳簞勞奏宜聲應而
響隨蘭桂揚芳固道同而氣合則有 資政大學

士左轄高平公

天章待 制都運清河公以佐

王重器由聖鴻儒駕風義之相高用名教而爲
樂繼探強韻鏗振雅音自餘賔僚咸有篇唱無慮十九
首莫不天機銜巧月夜矜新榆揚 大國之風詆

詠

我公之美爛爛若琮璜之間珪璧洋洋如英

莖之合韶護靡叙懿鑠孰光勝踐子定濫游 幙府竊
比逢麻絕希授簡之知姑多拜 命之辱躬承指

顧深愧題辭時慶驛壬午歲太常博士通判軍府事張
子定謹序

資政殿大學士尙書左丞知永興軍府事范雍

興慶春深樂禎辰清歡雅唱奉良賓韶光綺麗新經雨

詩句風流妙入神冠蓋紛紛紅杏徑歌鐘隱隱綠池濱

閨臺將漕皆

時傑其泰常安万井人

和轉運

學士

陝西都轉運使尙書刑部員外郎充天章閣待制

張奎

公餘連騎賞芳妍柳重花明祓禊天絲竹繞堤浮舴艋
新羅照水戲鞦韆回頭景物才三月屈指光陰又一年

台旆行春暫

均逸鳳凰池暖正

思賢

陝西轉運副使尙書刑部員外郎直昭文館劉渙

清明佳節屬良辰行樂東郊宴席賓風柳不勝春氣力

露花無奈曉精神
管絃遠近青堤上
樓閣高低渌水濱
多少艤舟何所用
府公便是濟川人

太常博士通判軍府事張子定

月標元已樂嘉辰
興慶煙波漲曉津
宴集幸聯台
袞坐風流仍繼襍
堂春蘭亭事古成
遺迹華萼樓空委
路塵歌吹滿紅花
夾岸酒帘無處不留人

秘書丞通判軍府事張揆

霽景東郊道風光北斗城
中樞簷舊德上已燕
羣英鑲管詩情逸
彫觴祿事成樓臺動
波色鼓吹逐春聲
繡萼林花密芳茵
岸草平願公均愷樂
函夏福黎

氓

秘書丞通判隴州軍州事王揚庭

宗臣上已宴東池雅俗嘉賓盛集時禊席臨川花照耀
游車分路水逶迤賞心唯欲居民樂縱飲猶虞坐客疲
獨願我公歸柄用盡令天下洽春熙

殿中丞知司錄叅軍事李諷

東風池館絕纖埃元已佳辰樂衆來桃李陰成微雨後
管弦聲動盡缸開主公望重經邦業上客

詞高濟世才四海傳聞應有恨一方千里獨春臺

太子左贊善大夫簽署節度判官廳公事尹仲舒

長安本佳麗況復當盛春
擷勝在城曲起亭臨水濱
隔花皆戲艇滿目盡遊人
草膩疑梁圃楊垂認瀾津
自緣農有望豈厭景長新
作宴誠欣遇非才與幙賓

著作佐郎知汝州梁縣事閻詢

李唐前事此遺宮
春滿遺宮綠映紅
緩帶有功閑白日
飛鷗無算惜東風
香輪度陌煙容外
盡舸凌波柳影中
被襖賞心從此會
主人歸去漢三公

大理寺丞知萬年縣事趙濟

撫封占清境
禋宴協良辰
物態隨存秀
歌聲洽政淳
擷芳尋陌綺
泛棹擊波鱗
天幸陪開府
非才愧席賓

大理寺丞知涇陽縣事宋宏

名臣臨俊域和氣□芳春禊飲傳佳節 時賢冠上

賓淥波浮畫舸芳草染朱輪行樂由仁政歡聲沸水濱

右五言

土已佳辰綺宴陳 大賢重鎮雍城春欲知遠近追

遊者盡是關中受

賜人言右七

校書郎新差簽署秦州觀察判官廳公事雷簡夫

上已風流屬令辰禊堂開宴集佳賓濟時原野經新雨
行樂池塘得舊春千騎旌旗臨淥水萬家車馬起香塵
自慙通病無堪者敢預 平津末坐人

觀察判官楊初平

照坐豈冰寒凜凜北斗揮漿均祓飲興慶池頭春色濃
亂柳搖金花罩錦雕章麗藻俱時才落筆頌歌兩兩台
府公莫惜玉山醉明日天綸鳳詔來

權節度掌書記史瑜

池館春光欲禁煙芳辰修禊集羣賢茂林深處森
冠劍清籟鳴時當管竝召伯甘棠分陝地羊公風景峴
山前詩成莫訝天機俊潛握人間造化權

節度推官董士廉

歲和事簡正韶春興慶池邊樂衆賓奪勝此時追曲水

賞芳良會屬

平津映花語笑鞦韆女隔岸綵簪破

襖人深愧薄才叨下幙酒酣應許吐車茵

泰寧軍節度推官知隴州吳山縣事文彥若

上巳當嘉節

台庭譙鉅賢使臺談玉筍廣幙玳簪

鮮基祖威儀異樽俎禮讓宜歡聲喧渭曲瑞氣決秦川
客奉煒煌坐人歸雜沓庭飯生叨禮召心久託 陶

甄

德州軍事推官趙貞

斗城初霽媚春暉託

乘尋芳鶴蓋飛修禊波深

輕急曠舞雩風暖薄更衣香車寶馬嬉游盛別館離宮

往事非因憶鳳池新溜躍

黑幡看逐

節函

歸

續寄一章

秘書丞通判乾州軍州事王冲

駘盪青郊破曉辰東池冠蓋集嘉賓逍遙共入華胥國
綽約誰逢洛浦神障展露花長樂際袍欹煙草曲江濱
遙知台旆行春暇起作元鈞輔弼人

左側

側厚一尺二行
行十八字行書

明昌甲寅歲暮春祓禊日公餘獨來泛舟興慶池觀
覽勝絕京兆同尹燕臺劉仲游景文書

右側

其六行十
一字行書

携酒送春偶賦小詩一絕

春光將欲朝夕盡
携酒東郊邀數賓
淺酌花前沉醪
酹誰人學我送殘春

明昌五年三月中休日燕山劉頴子翼書

四六序典雅清麗詩並卓卓可傳子定高平幕下士
也可想見一時之盛

關中金
石記

按興慶池在興慶宮唐書地理志宮在皇城東南
距京城之東開元初置至十四年又增廣之唐會
要云上在藩邸與宋王成器等同居興慶里人號

曰五王宅至是爲官焉玉海云開元元年以隆慶舊邸爲隆慶宮在隆慶坊元宗名隆基改興慶宮長安志云開元二十年築夾城入芙蓉園自大明宮夾東羅城經通化門以達此宮先是武后時民井溢浸成大池數十頃號隆慶池丞相王子列第其北望氣者言嘗鬱鬱有帝王氣中宗神龍二年幸池上宴侍臣以厭之又據唐六典元宗隆慶坊舊宅有井忽湧爲小池周袤十數丈常有雲龍或黃龍出其中景雲間浸廣里中人悉移居遂爲龍池又據雍勝略景龍池本爲隆慶池以諱元宗名

改興慶池立宮後謂之龍池此興慶池之原委也
此碑撰序者張子定史無傳序爲慶歷壬午歲作
壬午爲慶歷二年後載范雍張奎劉渙張子定張
揆王揚庭李諷尹仲舒閻詢趙濟宋宏雷簡夫楊
初平史瑜董士廉文彥若趙寅王冲十八人之詩
范雍詩和轉運學士奎即張而不同韻劉渙王冲皆
同范雍韻張子定雷簡夫前後與范同而中二聯
別用韻餘皆各自爲韻體皆七律獨趙濟用五律
宋宏二首一五律一七絕爲異諸人之見于史者
范雍字伯純河南人累官資政殿學士知永興軍

兼轉運司事遷尙書左丞加大學士碑惟不系轉
運司事餘悉同宋詩紀事引儒林公議載其紀西
夏事三首而不錄此詩張奎附弟亢傳亢家于臨
渙奎字仲舒先亢中進士累官侍御史爲河東轉
運使進刑部員外郎及分陝西爲四路擢天章閣
待制環慶路經略安撫招討使知慶州父名餘慶
辭不許歷陝西都轉運使知永興軍劉渙附父文
質傳文質保州保塞人渙字仲章以父任爲將作
監主簿累知遼州獻喃氏播昌與西州地圖加直
昭文館遷陝西轉運使山工部郎中知滄州碑於

轉運下有副字又刑部員外郎爲傳所略張揆字
文裕齊州歷城人舉進士知益都縣明道中知萊
州掖縣通判永興軍爲集賢校理不言其爲秘書
丞與碑不同宋詩紀事引西清詩話載其賀執政
入東西府詩二句而不載此詩閻詢字議道鳳翔
天興人其歷官傳不載其知汝州梁縣宋詩紀事
引至元嘉禾志載其題招提院靜照堂一詩而不
載此詩其詩載入嘉禾志必是嘗官嘉興而傳亦
無放雷簡夫附其父德驥傳同州郃縣人字太簡
隱居不仕康定中樞密使杜衍薦之召見以秘書

省校書郎簽書秦州觀察判官公事董士廉附見
田京傳稱京少時與常山董士廉汾陰郭京相友善
俱以倜儻聞而不詳其官位事蹟王冲附父王
旦傳旦大名莘人三子雍國子博士冲左贊善大
夫素別有傳而不詳冲之官秘書丞通判乾州軍
州事宋詩紀事引雲門志略載其次韻范公仲淹
遊雲門一首而不載此詩餘則史與紀事皆無攷
碑左側有金人劉仲游題名右側有劉伋一絕句
皆明昌五年

褒城縣文宣王廟記

碑連額高六尺六寸廣三尺八寸四分二十一行行三十六字正書額題新修至聖文宣王廟記九字篆書在案城縣學

大宋興元府褒城縣新修至聖文宣王廟記

給事郎守祕書丞知縣事騎都尉竇充撰并書

鄉貢進士張公口篆額

服儒之服讀儒之書不知儒之道是猶終日戴天不知天之高終日履地不知地之厚亦何異掘堊塗墁行已矣我夫子之道文而明一以貫布在方策炳若日星祖述憲章顯仁藏用聖人之備者也若夫窮神知化自誠而明中庸可能皇猷可復其聖也天縱其性

也生知制作素王之道立三綱五常摠人倫之大紀以
正君臣以親父子以和夫婦以睦兄弟俾民日遷善而
不知斯則顯仁藏用之道盡矣子思謂如天地之無不
持載無不覆燾然猶道之用有旣隱晦文中子謂天地
生我不能鞠我父母鞠我不能成我成我者夫子也道
不啻天地父母通於夫子受罔極之恩其與太極合德
神道並行誠哉言之至口道之蘊矣乃知太極權輿一
氣并包二儀明朝下子之道包庠天地其道之管出庠一
而已

國家功格穹壤頌溢金石書軌混一

聲教無外庠序大闡禮樂大備使賢不家食野無遺

逸有以見人文化成天下輝

淳曜之盛烈也褒

城縣隸封漢中跨據秦隴控斜谷之巖阻厥田沃衍其俗富庶樂三堰之美利在學校之構弦誦之業冠爾罕間儻祠宇尙廢人曷口教先是禘廟僻處山塢荒庭寥落鞠成榛莽焚燎傾隆風雨弗庇春秋釋奠何陋如之充居治是邑莅局之初乃狀其迹建白公府時

尙書水部口郎李公 雅鎮藩翰惇意儒宗悅聞矢謀亟從改作縣是周爰近署擇堰之右得官地一廛葺礎度址鳩材僱工靡踰月而棟宇鼎新不越時而塑像儼列堂奧沉邃閑閑有嚴可以落成式觀大壯前以子思

之言但取喻天地未顯道之爲用而文中于明成我之
恩與太極廓合淵厚探道之曠邈焉臻道之極吾是口
口庶幾聖人之道者其中說之謂夫誌諸溫珉辭達口
口時慶曆二年口月四日謹記

將仕郎守縣尉兼主簿事宋立德立石

古吉刊字

按褒城縣屬陝西漢中府宋時興元府治此陝西
通志云縣有褒水在城東一里卽黑龍江自鳳縣
界流入又南流入漢褒城縣學宋慶歷間倚於江
岸實充宰褒建有自記卽此碑也而不詳實充未

建以前之所在據此碑云先是舊廟僻處山塢充
居治是邑亟從改作擇堰之右得官地一廛云云
是舊廟近山失其址矣擇堰之右者當卽褒水之
堰漢中府志云堰界石在褒城縣東三里黑龍江
中上一石有乾道元年史可觀記下一石鐫制置
大使司提修造張儀自嘉定三年至七年督責軍
人董工治堰自爲記觀此碑可知褒水之有堰已
見於慶歷以前其時未有黑龍江之名故碑中不
及也實充無攷碑云誌諸溫珉當卽貞珉避仁宗
諱改也

普通塔記

石高廣俱二尺七寸二
十一行行二十字正書

弟子沙門可度書

塔非中國之有也制起于西域自東漢世笏行書來爲
教以示人曰旣侵熾塔則或大或小郡縣幾普矣謂藏
佛骨舍利之所也外則其口能輝揚經律論暨施用厚
者死則其徒或起以貯骨焉重真寺天王院沙門智響
姓李氏京兆武功人自幼依師爲浮圖嗣長則能恭養
父母久以孝聞父母死又能以送終之禮封樹之此其
浮圖嗣之難者也復常悲其寓泊僧骨弃露零散乃於

寺之南城外不盡一里募施掘地爲壙際水起塔出地
又丈餘塼用萬餘口旣成近左收摺得亡僧骨僅四十
數於慶曆二年二月二十一日夜建道場請傳戒師爲
亡僧懺罪受戒塔頂開一穴以備後之送骨嗚呼古稱
葬者藏也欲人之不得見也今智覺師能盡力於親而
又悲其類作普通塔使遊方之徒來者未來者死悉有
所歸其用可嘉也五年乙酉春二月一日前寧州從事
盧覲過其院智覺悉以事白余素熟其行回應請而記
太廟齋郎劉質

文林郎守扶風縣尉任化成立石

三班借職前監鳳翔府岐陽鎮商稅兼巡防劉昌珪
右班殿直監鳳翔府岐陽鎮商稅兼巡防李用衡
助緣張守斌 馬中象 姚文信 魏平 齊安和
魏德輔 元宗說 趙英 郭士新 潘守用 潘
永 李定基 楊守貴 王全勝 程垠 巨立
安宥 楊文玉等施石

師弟智廣 智仙 師姪智全

地藏院主僧義光 吉祥院主僧瓊玉

左會院主表白沙門澄演 張遵刻

按普通塔爲釋氏瘞骨之所今在叢林普同塔之

所助也重真寺據碑當在扶風縣城內檢陝西通志已無攷矣劉昌李用衡皆監鳳翔府岐陽鎮商稅兼巡防官岐陽縣名卽岐山縣唐武德七年所更名至德中復爲岐山而岐陽之名遂用之於鎮今亦未能詳攷似在岐山扶風之間也

澹山巖題名六十段

潘衢等題名

石高二尺三寸廣一尺六寸五分六行行十一字正書

中都外郎知郡事潘衢子莊 殿中丞通理郡事陳規
正卿 太常博士監市等李寔公實 軍事判官洪璽
景純 軍事推官李洙希真 慶曆七年十一月五日

又橫廣五尺一寸六分高三尺六寸五分十二行行十字正書

至和二年乙未六月十九日尙書職方員外郎知永州軍州事柳拱辰以久旱躬禱于零陵王之祠因憩此巖是日得雨時殿直齊懷德大理寺丞章詢判官李方推官蘇台文錄事叅軍張服司法叅軍李光序零陵縣令孫思道零陵縣主簿張拯信安進士趙揚武陵進士魏堂從行男新黃州司法叅軍平奉命題

又橫廣二尺七寸八分高二尺九寸六行行六字左行正書

張子諒中樂陳超輔睦麻延平僊夫魏景晦翁盧臧曾卿夏鈞搆之同遊嘉祐祐享後十一日

又橫廣三尺二寸八分高
三尺八行行八字正書

知軍州事張子諒率通判張德淳同游幙中麻延年魏
景邑令夏鈞從大理丞陶弼校書郎章望之選吏李綱
盧臧寶預焉嘉祐己亥四年五月二十六日己未臧題

又橫廣二尺四寸五分高二尺
九寸八分六行行八字正書

皇宋嘉祐庚子歲六月己巳日提點刑獄度支郎中宋
任仲堪同提點刑獄供備庫副使靳元翊公弼按部回
游此

又高一尺六寸廣一尺五寸
六行行六字正書左行

徐大方冲道率曹元卿舜臣麻延年仙夫萬孝寬公南

黃致適道盧臧魯卿游臧題嘉祐辛丑上元後二日

又高二尺九寸五分廣二尺四寸五分八行行九字正書

司刑丞權郡徐大方同上幙權倖麻延季熙閱御書警
巡馬公弼零陵令夏鈞從奉宸前知懷遠曹元卿邵陽
模萬孝寬前荔浦令黃致前湘潭簿盧臧預遊嘉祐辛
丑上元後三日臧題記

又高二尺二寸八分廣二尺四寸七分七行行七字正書

聖宋嘉祐辛丑歲六月三日轉運使尚書刑部員外郎
直集賢院陸詵介夫按部游此携家人與仙姑同至

又高二尺七寸廣二尺三寸五分六行行六字左行正書

馮璟唐輔會肅固幹臣蕭注岳夫魏景晦翁何廓伯達
張子山景仁蕭澈子源辛丑秋社日遊

又高二尺五寸廣一尺四寸五分四行行七字正書

後二十有八日臨川徐畜用之自潭如桂王臣因復載
酒與洪叔嗣俱來

又高一尺四寸七分廣一尺五寸四行行六字正書

嘉祐八年三月初八日轉運判官尙書都官員外郎宋
迪遊

又橫廣二尺五寸高一尺八寸六分六行行四字左行正書

持正子西公亮巨卿毅甫隱甫同遊治平貳年九月十

季九月戊戌謹題

梓作石永洪

又

橫廣一尺五寸八分高一尺三寸八分六行行五字左行正書

熙寧甲寅歲十月十一日承乏長沙局因祠零陵王迴至此華陰楊傑英甫記

又

高二尺七寸廣二尺四寸九行行十一二三字左行正書

澹山巖零陵之絕境蓋非朝陽之比也次山往來湘中爲最熟子厚居永十年爲最久二人者之於山水未有聞而不觀觀而不記者而茲巖獨無傳焉何也豈當時隱而未發耶不然使二人者之顧肯奪其尋常而遺其卓犖者哉物之顯晦固有時何可知也蔣穎叔題

又

高二尺七寸廣一尺八寸四分四行行八字正書

儀真秦日新得之嘉興潘景純和叔長沙李茂宗慶瑞
熙寧九年十二月中休同遊

又

高二尺七寸六分廣一尺八寸八行行十四字行書

至和乙未歲子爲舉子過零陵陪太守柳侯拱辰禱雨

因至澹山巖於今廿三季始得再遊其間絕景勝致當
日賞愛之處髣髴如舊觀石間題名緬懷柳侯久爲異
物使人惘然不能自己熙寧丁巳清明前二日荆湖南
路轉運判官尙書屯田員外郎會稽趙揚題永州軍事
判官衡陽黃鎮同口

又

高四尺廣二尺七寸
五行行十字正書

凌江張申仲甫廬陵毛君卿正甫衡山侯天經元則汴
陽盧綜貫道衡陽黃廣成壽翁長沙馬初平祖衡元豐
己未季秋六日同遊

又

高三尺六寸廣二尺六寸
五分六行行八字正書

朝請大夫郡守陳遵朝請大夫通判蔣僅宣義郎前監
鹽張仇軍事判官時宥縣尉劉日章元豐八年乙丑六
月十一日同遊

又

高二尺七寸廣一尺三
寸二行行五字正書

蔣僅屢遊元豐乙丑題

又高三尺二寸廣二尺七寸七分五
行行七字行書後二行小字正書

林邵才中還自春陵遊澹山巖夜宿僧舍明日再遊遂
之衡陽元祐五年季夏二十二日題

憲使按部過此題石

左朝請大夫知永州軍州事周處厚命工刊之

又高三尺六寸廣二尺一寸
五分六行行六字古篆文

元祐六年八月十八日王觀_子永許師嚴希衙口師口
口口口同遊是暑江口口錫題 四明鍾成亦至

又高三尺七寸廣二尺二寸八
行行十字十一字左行正書

元祐辛未歲九月回檢漵田楚人高公傑子發吳人許

師嚴希道自賢女廟下宿何氏仙姑家翌日涉江遊龍
宅覽仙姑得道處回宿僧舍明日遂入歸德福田等鄉
沙門文真勇敢同來 于發書

又

橫廣三尺四寸高二尺
七寸十行行八字正書

左朝奉大夫知州事劉蒙右通直郎通判州事阮之武
躬閱 御書同遊管界巡檢張準知零陵縣事婁瑄祁
陽縣令陳衍東安縣令徐處仁零陵縣尉陳寬夫與焉
紹聖改元仲秋十二日徐處仁題

又

高二尺七寸廣一尺四
寸五行行九字正書

紹聖元年甲戌九月七日臨川劉用之行可帥永豐盧

約潛禮富川吳克禮子仁同遊零陵澹山巖劉芭畫景
防侍行

又高一尺八寸五分廣一尺五分四行行九字正書

紹聖乙亥孟冬五日陪范公淳父曹守季明遊澹山
巖郡倅張茂先題

又高二尺七寸廣二尺六寸行行九字左行正書

新安曹長倫元友弟長明德昭韓國魏中孚誠老衡陽
黃元詒長蜀郡范冲元長同遊紹聖丙子仲夏十三日
江南鄒洵芷惠常題

又廣二尺七寸高一尺八寸八分七行行六字正書

武陽朱養源臨江都常上饒周濟叔餘杭唐欽叟宣

城侍其希聲潯陽周亨甫紹聖四年三月十二日同游

又橫廣三尺三寸高二尺四寸五分五行行四字行書

錦溪唐節公禮唐恪欽叟紹聖四年閏月九日

又高一尺六寸五分廣一尺四寸五行行六七字正書

高平范正思子默東沂畢冲子虛吳郡富爲子宣愚溪

張縱純中元符元年十月十九日

又橫廣二尺七寸高二尺六分八行行六七字正書左行

長沙孫欽臣仲恭東都賈材彥成春陵王遂將明弟棠

叔華元符二年己卯六月初七日戊寅同遊勝境遲留

累日泛舟東下自永還潭

又此刊在林邵之左二
行行十二三字左行

睢陽蔡穀允元眉山陳續茂訓韓城范直方師厚高郵
秦湛處度元符己卯十一月十五日游

又橫廣二尺高一尺七寸
六行行七字左行正書

大名韓川北歸一游弟以球子意姪康世康國康伯侍
行道士何守靜偶至此元符庚辰歲六月二十二日題

又橫廣二尺四寸五分高二尺
二寸五行行七八字正書

張適安時迪安道遵安會遠安行招陳莘子野蔣彥才
之羨唐逸元道同遊壬午中春十八日

又此刊在張適之左六行
又行十字十一字行書

長沙慕容選公才周伯常達夫自陝西歸里中泐幹零
陵特遊澹山口 瞻禮金僊遍遊諸洞次日設僧粥浴
蓮蓮之城下崇寧甲申仲冬五日湘東朱炳明遠書

又高一尺九寸五分廣一尺二
寸七分三行行五字正書

開封曹湜邵陽周奇同遊澹山巖崇寧四年六月八日
又高二尺一寸廣一尺五
寸七行行九字行書

真定鞏鑒辨舛躬闕 御書至此歷覽古跡愛其巖穴
幽邃氣象爽然罕所口見也徘徊抵暮而歸時大觀二
年三月十有七日男庭實庭賓庭老侍行庭賓奉命題

又高一尺四寸五分廣一尺一
寸三分五行行八字行書

胸水蓋侗公厚因祀靈顯行次崑下就謁住持芳師
訪其古跡歷覽而歸時大觀戊子季春晦日題

又高廣俱三尺四寸十
五行行十字篆書

青社董令升罷官廣西還過零陵來觀澹山同王紹祖
趙佃夫宋傳道飯巖下思長老以其師燈禪師所書衲
襖頌顯上人以懷素千文墨本相示千文真跡余家所
藏嘗刻石鄉里詢顯則同郡人也蓋得之余家豈意兵
火流離之餘乃復見此顯亦可謂好事矣因語及鄉里
相對感嘆紹興乙卯歲春三月戊寅題

又

高三尺五寸廣二尺三寸五分六行行八字正書

蓬澤程逖德遠拉歷溪高所應之魏邸趙彥侁安行開
封王維子厚同遊男格與同年子趙潛夫侍行紹興丙
子仲冬六日記

又

高二尺七寸廣一尺七寸八分五行行七字正書左行

東平劉董子舒臨江蕭賓擇可睢陽王光祖仲顯以乾
道戊子六月上休日來游淡山巖

又

高三尺四寸廣一尺八寸四分五行行十字正書

路分王俊邦僕教官洪彥華叔昞判官趙汝忱德恂推
官葉天休嘉承戶曹攝零陵縣趙不揉從朴慶元乙卯

季夏十有二日同至

又橫廣一尺八寸高一尺四寸四分六行行五字正書

嘉泰癸亥歲仲春上澣日東都趙仲義來游溪巖徜徉終日男師曹師厲侍行

又高二尺六寸廣二尺八行行九字正書

開封李震亨仲汧賜段晉龍伯津鄴山王圭粹伯來游領月臺之風漱石井之泉摩挲山谷老人永州溪岳天下稀之詩徘徊觀音岳窮幽極勝醉心溢目而后歸時嘉泰甲子季春中澣日

又高六尺廣一尺七寸四行行十六字正書

三山高惟月以慶元戊午校秋試于零陵竣事嘗遊淡巖觀山谷留題後廿九年竭來分符莫秋復遊想景物之依然歎歲月之逾邁歸興翩翩賦念奴嬌一闕

又

高二尺七寸廣一尺五寸
八分五行行八字正書

前守春陵永嘉許綸任滿東歸携累來遊妹婿鍾光大甥侯希璉鎡鉞澄侍行時紹定庚寅正月二日題

又

高四尺九寸廣二尺二寸二
分六行行八字左行正書

嘉熙戊戌中胄十有七日襄陽卻塵王詮困道華家徠游萊人習隱盧汶聖範侍行

又

高三尺四寸廣二尺九
寸六行行八字正書

景定壬戌春正月晦零陵令鍾有大以迓繡使俞計院宿此巖寺二月望再侍判府丘秘丞劭農題石以紀事云

又

高二尺廣一尺五寸五行行七字正書

臨淮張孝先郡人卿槐錦江陳時中謁靈祠就過澹巖景定壬戌菊節後三日書石以紀行

又

橫高三尺三寸廣一尺七寸五行行五字六字隸書

景定五季冬十有一月乙酉永嘉劉錫自道之瑞來遊子思侍濂溪友劉元禧因赴南宮偕行

又

高四尺三寸廣二尺七寸五行行十字正書

咸淳己巳仲秋望踰浹合沙趙與岫仁甫以郡博士攝
守倅出郊勸麥偕攝令廬陵劉伯文致平行竣事就訪
古跡寺僧請書以記

按湖南通志澹巖在永州零陵縣南二十五里亦
名澹山巖唐張顥記云盤伏兩江之間周迴二里
中有巖竇可容萬夫古有老人處其下以澹氏稱
因名方輿勝覽云中有澹山寺樓殿屋室隱躍罅
中雖風雨不能及四顧石壁削成旁有石竅古今
莫測其遠近此磨崖題名六十段當卽在石壁削
成之上然據永州山水記但載澹山巖宋黃山谷

始題識之今洞中一石載山谷詩與書而不言此
外之題記者甚多也山谷詩跋已附大唐中興頌
後六十段外恐尚有遺姑就此六十段攷之始于
慶歷七年迄咸淳五年已已合二百二十年中姓
名可見者得二百七人泐者二人其中可攷者陳
規史傳稱字元則密州安邱人靖康末金人入侵
殺鎮海軍節度使劉延慶其徒祝進王在夫爲盜
犯隨郢復等州規爲安陸令以勤王兵赴汴至蔡
州道梗而還建炎元年累知德安府與劉錡領兵
同死守後移知廬州疾卒此題銜殿中丞通理郡

事傳無一語及之不知卽其人否也趙揚宋詩紀
事載抗揚抃二弟皇祐間抃爲江源令抗揚與俱
名勝志載引流聯句一詩有抃序云公暇事休與
弟抗揚坐東軒樂然盤桓其爲詩章云云是趙揚
爲抃之弟史抃傳抃字閱道衢州西安人此題趙
揚爲信安進士信安爲衢州江名正與抃同貫蓋
其時遊于知軍柳拱辰幕中也但抃傳不爲附載
無事蹟可攷陶弼史傳字商翁永州人由陽朔主
簿歷知邕州徙鼎州辰州忠州順州加東上閤門
使未拜而卒此題大理丞則傳所略傳又稱弼能

爲詩故其詩雜見方輿勝覽後村千家詩合璧事類別集錦繡萬花谷粵西詩載後村詩話諸書中其所著邕州集宋詩紀事采之章望之史傳稱字表民建州浦城人由伯父得象蔭爲秘書省校書郎監杭州茶庫累光祿寺丞致仕此題校書郎蓋未監茶庫時也傳又稱其北游齊趙南汎湖湘西至汧隴東極吳會山水勝處無所不歷有歌詩雜文數百篇此題知軍張子諒同游蓋南汎湖湘時也其爲詩則夏晝一篇見宋文鑑陸誥史傳稱字介夫餘杭人進士起家簽書北京判官加集賢校

理通判秦州判太常禮院吏部南曹提點陝西刑
獄徙湖南北轉運使直集英院進集英殿修撰知
桂州至邕州集左右江四十五峒首詣麾下補置
將吏更鑄印軍聲益張召爲天章閣待制知諫院
道除知延州知成都熙寧三年卒此題轉運使尙
書刑部員外郎爲傳所略其云按部游此者卽至
邕州集左右江峒首之時也蕭注史傳稱字巖夫
臨江新喻人舉進士攝廣州番禺縣以破僂智高
功擢禮賓副使廣南駐泊都監知道州拜西上閣
門副使居邕數年坐貶秦州團練副使累起爲邠

州都監累知桂州此題無號年但云辛丑秋社日
稽其時爲嘉祐三年蓋知邕州時便道游此而留
題也周惇頤史道學傳字茂叔道州營道人東都
事略作舂陵人按舂陵見後漢光武紀舂陵節侯
買注云舂陵鄉名本屬零陵在今唐興縣北唐興
縣名武德四年所改天寶初改延唐縣後唐天福
中改延喜縣宋乾德初改寧遠縣是舂陵本唐興
縣之鄉名偶見於光武紀其地本與營道爲鄰觀
周子自題云沿牒歸舂陵鄉里展墓可知其家在
營道先墓在舂陵傳著其貫而東都事略則用其

先墓所在之古鄉名也傳又云以任爲分寧主簿
調南安軍司理參軍移郴之桂陽徙知南昌歷合
州判官通判虔州熙寧初知郴州爲庶東轉運判
官以疾求知南康軍因家廬山蓮花峯下卒此題
凡三見前治平三年題尙書虞部員部郎通判軍
州事後治平四年二次題比部員外郎通判永州
軍州事皆傳所不載又侍遊者有男壽齋姪立姪
孫蕃而傳祇載男壽齋不及立蕃且但稱壽官至
寶文閣待制不詳事蹟書譜引魏鶴山集稱濂溪
先生帖遂寧傳氏載則周子有書名也書錄解題

載濂溪集七卷是有詩文著述也而傳皆不載惟
東都事略載其南安司理之後有通判永州一語
較史稍詳宋詩紀事載壽字李老一字元翁元豐
五年進士初任吉州司戶次秀州知錄終司封郎
中澠水志載其題金粟寺庵詩蓋官秀州時作也
又元翁詞翰之妙前輩多稱之語見朱子文集紀
事又載壽字次元元祐進士爲貴池令官至寶文
閣待制成都文類載其暑雪軒詩咸淳臨安志載
其遊天竺觀澠水詩是嘗至浙至蜀矣凡此皆可
廣史所未備也楊傑史傳字次公無爲人舉進士

元豐中官太常者數任元祐中爲禮部員外郎出
知潤州除兩浙提點刑獄卒此題華陰楊傑英甫
與傳不合疑別一人蔣穎叔名之奇常州宜興人
史傳稱其以蔭得官擢進士第至太常博士又舉
賢良方正英宗擢監察御史神宗立轉殿中侍御
史坐貶監道州酒稅改監宣州酒稅新法行爲福
建轉運判官崇寧元年累除觀文殿學士知杭州
以疾告歸卒此題不著年月亦不著官位當是監
道州酒稅時所題其監道州也由畔歐公之故爲
清議所薄穎叔必有不得意者故題云物之顯晦

固有時何可知也其大指已見乎詞矣穎叔能詩
零陵縣志載其遊澧巖七古一首此詩見下卷又
載其遊朝陽巖七古一首王弇州又稱其工書有
蘇黃法則此題句百餘字亦足貴也陳遵史傳字
亨伯自江寧徙永州登進士第累知雍邱縣徽宗
將以爲御史而遭憂畢喪爲廣西轉運判官欽宗
立積官至光祿大夫徙知中山金人再至受圍爲
步將害此題元豐八年爲郡守傳全不載當別是
一人徐處仁史傳字擇之應天府穀熟縣人由進
士甲科爲永州東安縣令蠻人叛處仁入峒開示

恩信蠻感泣誓不復反此其官東安之政績也後

仕高宗初爲大名尹北道都總管卒此題在紹聖

改元正其令東安時也范冲史儒林傳字元長登

紹聖

史誤作紹興

進士累官翰林侍讀學士以龍圖閣

直學士奉祠卒史不著冲之里貫據此題知爲蜀

郡人而其時爲紹聖三年冲子蓋初舉進士也宋

詩紀事又稱冲爲祖禹長子紹聖元年進士建炎

中官翰林學士守衢州坐與趙鼎有連落職衢州

府志有贈了空長老詩爛柯山洞志有游爛柯山

青霞洞天詩皆其守衢日作也可補史之略唐恪

史傳稱字欽叟杭州錢塘人以蔭登第調郴尉歷仕至靖康初累拜少宰兼中書侍郎以觀文殿大學士中太一宮使兼侍讀二年金人逼立張邦昌仰藥而死此題兩見皆在紹聖四年是其官郴尉時而不自署其官但其貫則一曰餘杭一曰錦溪錦溪是苕水分流入臨安者非其貫而餘杭則貫也與傳之稱錢塘者異然傳有知潭州請往錢塘掃墓然後之官遂改杭州之語或因其先墓在錢塘故以爲錢塘人歟又唐節字公禮題在唐恪之前似節爲恪之兄但事蹟無攷范正思仲淹之孫

純仁之次子史附見其兄正平傳云正平字子夷
父純仁卒詔特贈遺澤官其子孫正平推與幼弟
幼弟似卽謂正思也又云蔡京當國言正平矯撰
父遺表又謂李之儀所述純仁行狀妄載中使蔡
克明傳二聖虛佇之意遂以正平逮之儀克明同
詣御史府正平將行其弟正思曰議行狀時兄方
營寃宥之事參預筆削者正思也兄何爲哉正平
曰時相意屬我且我居長我不往兄弟俱將不免
不若身任之遂就獄云云此題高平范正思子默
與正平之字子夷同用子字信爲正平之弟惟傳

稱范仲淹其先邠州人後徙蘇州吳縣此題高平
吳縣無高平之稱或邠州舊名新平郡又可謂之
高平耶秦湛見詞綜稱其字處度觀子官宣教郎
載其謁金門詞一闕又見宋詩紀事嘗爲韓膺胄
作枝巢詩先得兩句云云見詩說雋永史文苑傳
秦觀高郵人元祐初累官國史院編修官紹聖初
坐削秩徙郴州此題在元符二年己卯是侍父貶
所時也韓川史傳稱字元伯陝人元祐初薦爲監
察御史累以龍圖閣待制守潁州徙虢州與孫升
同受責由坊州郢州貶屯田員外郎分司岷州團

練副使道州安置徽宗立復故官此題在元符三年庚辰正其安置道州時但自署其貫爲大名傳則爲陝人殆大名是祖貫耶趙彥侁趙汝忱趙不揉趙師曹趙師厲趙與訥皆見宋史宗室世系表太祖兄弟五人兄光濟早亡弟光義卽太宗次廷美次光贊幼亡廷美封魏王有十子長高密郡王德恭彥侁卽德恭之六世孫承節郎公瓌之子也太宗九子長元佐封漢王次忱卽元佐七世孫善強之子也太宗第六子元偓封鎮王不揉卽元偓之五世孫乃武節郎士崱之第四子官從事郎太

祖四子次子德昭封燕王師曹師厲皆德昭七世
孫師曹之父伯遼師厲之父伯道皆贈從義郎子
說之子則師曾師厲爲其祖兄弟也太祖第四子
德芳封秦王與諡爲德芳九世孫希璿之第二子
也題名諸人之可攷者祇此餘皆無攷三山高惟
月題記云歸興翩翩賦念奴嬌一闕今搨本不見
其詞檢詞綜亦未錄其人又題名中有郡人卿槐
卿姓見風俗通云虞卿之後然無一人登史傳者
此云郡人豈永州著族耶長沙慕容選題記云瞻
禮金僊遍遊諸洞次日設僧粥浴殆在澹山寺也

飯僧爲檀越功德次之僧粥亦飯僧之意至設僧浴則初見此題豈僧浴不易舉亦待檀施耶青社董令升題云懷素千文墨本真蹟余家所藏嘗刻石鄉里顯上人同郡人也得之余家此敘懷素真蹟之顯晦亦書家法帖之故實識以備攷錢塘楊巨卿字信甫官河陽節度推官知零陵縣事熙寧七年兩度遊澹山一在正月一在九月夫以官爲縣令而能題名紀遊則其居官政績從容餘暇可知而稽之浙江通志杭州府志俱不載其人蓋修志不廣採金石則人物遺漏文獻無徵積病由來

已久附識以爲志乘家之勸石刻題名之有姓有
名有字始乎宋時此題有襄陽卻塵王淦因道萊
人習隱盧汶聖鄰卻塵習隱二人之號也以號冠
乎姓名之上則始見此題蓋在嘉熙二年南宋末
之風尙矣作書有以代戍爲戍戍者尙沿唐人書
體之舊侯希璉字書無璉字似當作璉係唐武后
所制聖字此仿而書之而有譌也

飛白七字

石橫廣五尺一寸四分高一尺
五寸橫書在杭州府仁和學

皇三十九

天下昇平四民清

慶曆八年四月二十八日

仁和學仁宗御書飛白七字則記皇三十九四字乃

碑石紀數也

孫星衍寶
字訪碑錄

慈恩寺塔題名二十二段

塔凡三門題名刻于門桄之上此
其一也四行行十一字左行正書

提點刑獄口口口口口口

部都王元百祥

同提點刑獄劉建勳周輔慶曆八年九月十六日同遊

又隸書殘缺止
存一行十字

金石錄卷一百三十三
三
庠太素雷簡夫太簡慶豐

又正書殘缺止存四
行行十字左行

嘉祐壬寅歲五

缺

祖考而降凡六喪既事會親舊于是

庚午永口丞口興

又正書五行行
十三字左行

北曹外郎康定軍使盧盛損之前懷州河內簿陳知益
友直弟知恭德基知宣德并姪安期海翁偕從都漕陳
大卿自杜城遊華嚴至此治平甲辰六月三日題

又正書殘缺止存三
行行十二字左行

缺州河內簿陳知益友直弟

缺

基知宣口口姪安期海

翁口從缺口口口口口杜城遊華嚴至此口口口口口

口日題

又

正書五行行
八字左行

都轉運使潁川孫永副使河東毋沆高平范純仁制置
解塩判官河南李師錫熙寧元年三月十八日游

又

隸書四行
行七字

知府事吳中復新知梓州李大臨前知闡州崔度熙寧
六年二月九日題

又

隸書六行
行十四字

資政殿大學士知越州趙抃度支郎中轉運使皮公弼

太常少卿知同州毋沆太常博士提點常平倉章棣同登慈恩塔過杜祁公家廟遂會于興慶池館熙寧七年仲冬二十有二日龍圖閣直學士知軍府事吳中復題右吳中復題名在西安慈恩塔八分書甚有法按趙閱道以熙寧三年四月自政府乞罷改資政殿學士知杭州後改青州召見以大學士再知成都乞歸知越州此題乃由成都移越道經京兆時也中復知永興軍案提舉陝西常平俱見宋史本傳公弼任陝西轉運使亦見食貨志杜祁公衍家越之山陰晚年退居南都卽今之歸德府也似不當立家廟於長安且

北宋大臣罕有立家廟者或別是一人非衍也

舊研堂金

石文

又隸書殘缺止存四

行行十餘字不等

缺

□□□□葉□□□□

缺事虞部外郎俞希及景賢

提舉□□□作佐郎杜常正甫

□□□□□□佐郎喻房明仲

又

正書七行行三字左行

張琬蔡文卿楊國寶葉攄同遊丙寅元祐元年閏二月

五日

又正書二行行
八字左行

范登元祐二年丁卯歲四月十八日偶題

又正書四行行
十字左行

承議郎新通守清江郡事瑯琊王評漢卿奉使岐雍展
先塋回登慈恩塔元祐三年八月上澣題

按漢制公卿以下皆五日一休沐唐會要永徽三年
上以天下無虞百司務簡每至旬假許不視事以便
百僚休沐則唐時十日一休沐矣休沐亦謂之休澣
唐書劉晏傳質明視事至夜分止雖休澣不廢是也
宋時百官旬假循唐故事故有上澣中澣下澣周益

公撰光堯丁亥本命道場滿散朱表有日逾中澣之
句攷其日乃十月二十一日又撰四月十八日丁亥
本命道場朱表亦云日近中休然則每月之二十日
爲中澣日上澣必月之十日矣一句之中止一澣日
今人以上澣中澣下澣當上旬中旬下旬旣失其旨
又休澣惟有官人乃可用之不當通於士庶也漢卿
當是駙馬都尉詵之昆弟

潛研堂金石文跋尾

又行書二行
行十二字

駙馬都尉王詵再遊元祐癸酉

王詵晉卿宋初功臣全斌之裔全斌子審鈞爲永興

軍駐汭都監因家京兆晉卿於審鈞爲曾孫則京兆
乃其故鄉又攷王評題名有展先塋之語則晉卿之
屢遊慈恩殆亦以展禮先塋之便歟

潛研堂金石文跋尾

又

正書十行行三字左行

德安王端建安章綽南幽張舜民崇寧丙戌歲重九日
同登進士章萊從

又

正書六行行九字

睢陽徐處仁擇之京地何常德固管城李諫智甫大梁
曹訥子問成都郭倫與權西洛趙佺真叟浚儀劉仲祥
公善政和改元孟夏十三日

又行書二行
行八字

康訓种師周李延祚李景儉司馬朴政和四年四月晦日

又正書五行
行六字

河南趙耘老因暇登塔觀唐人墨蹟時政和丙申七月二十有四日也

又正書八行行
七字左行

瀟溪真常寓此避暑自宣和庚子歲歷辛丑壬寅癸卯甲辰凡五夏更三十甲子雖未能拒造化而造化亦不能煉吾也復嬰返黑上真豈欺我哉刊者姚彥

又行書九行
又行書五字

宣和辛丑夏五月大熱異常與邵子文李秉文种次冉
王服膺二十七日逃暑卧塔下晦日暫歸當卜再至王
正叔題

又正書六行行
又正書二字左行

黎獻民向宗京陳似楊舟李處俊宣和辛丑

又草書四行行
又十字左行

獨上慈恩塔疎懷亦慨然異朝多少事不改舊山川宣
和四年八月旦范智聞

又正書二行
又行八字

張智周柔彦周孫昭遠趙君表袁仙夫

按陝西通志慈恩塔在西安府城南十里曲江池
北內有浮圖塔六級卽雁塔後重加營建至十層
兵餘止存七層長興中西京畱守安重霸再修之
判官王仁裕有記宋張茂中遊城南記云長安土
庶每歲春秋遊者道路相屬熙寧中富民康生遺
火經宵不滅而遊人自此衰矣此題名二十二段
皆來遊者所刊起慶歷八年訖宣和四年凡七十
餘年其中泐不能辨者數人其姓名可辨者得六
十三人以史傳攷之雷簡夫字太簡德襄曾孫康

定中杜衍薦授簽書秦州觀察判官公事既罷居
長安此題上下殘缺上存康太素不知其姓下有
慶歷字則是居長安時所題也墨池編稱其善真
行書書史會要稱其少年學褚河南聖教序歐陽
率更醴泉銘顏太師家廟碑然則其居長安日久
摩挲諸碑書學宜乎更進矣孫永字曼叔世爲趙
人徙長社神宗卽位累擢天章閣待制安撫陝西
歷河北陝西都轉運使此題熙寧元年正官都轉
時也范純仁字堯夫英宗朝累遷侍御史議濮王
典禮論奏不聽遂還所授告勅家居待罪尋詔罷

追尊起純仁就職純仁請出不已遂通判安州升
知蘄州歷京西陝西轉運副使此題與孫永同游
卽其時也吳中復字仲庶興國永興人累擢天章
閣待制知澤州瀛州移河東都轉運使進龍圖閣
直學士知江寧府歷成德軍成都府永興軍此題
有二一爲熙寧六年一爲七年皆知永興軍時也
中復又工八分書益部談資載百花潭口有任氏
一碑乃熙寧間吳中復撰書則其知成都府時事
矣又歲華紀麗譜載其遊海雲寺倡和詩亦知成
都時作其六年同遊者有新知梓州李大臨史傳

稱大臨字才元成都華陽人神宗朝累工部郎中
出知汝州徙知梓州據此題知當時大臨由汝州
經陝西入梓州路也又據畫繼稱成都李才元世
以書鳴又可知其書畫兼擅也其熙寧七年吳中
復題云與趙抃皮公弼母沉章棗同登慈恩塔過
杜祁公家廟遂會于興慶池館潛研跋謂杜祁公
衍不當立家廟於長安此蓋誤以唐之杜岐公爲
宋之杜祁公也新唐書杜佑傳佑字君卿京兆萬
年人憲宗在諒闇攝冢宰明年拜司徒封岐國公
宋敏求長安志萬年縣所領朱雀門街之東從北

第一興道坊次南開化坊次南安仁門有太保致仕岐國公杜佑宅其後或卽以宅爲家廟未可知也岐公祁公以音同致訛耳杜常字正甫衛州人昭憲皇后族孫中進士第調河陽司法參軍事積遷河東轉運判官崇寧中累至工部尙書以龍圖閣學士知河陽軍又據畫墁錄云神宗間昭憲之家有登第者甚喜有旨令上殿翼日謂執政曰杜常第四人登第却一雙鬼眼可令提舉農田水利又據河上楮談云臨潼驪山華清宮溫泉在焉中有翠玉屏皆宋元人及今人詩刻內杜常詩四篇

前題權發遣秦鳳等路提點刑獄公事太常寺杜
常後跋云正南大寺自河北移使秦鳳元豐三年
九月二十七日過華清有詩四首云云此題殘闕
存者三行杜常與俞希及喻房同遊無年月俞喻
二人無攷惟杜常史有傳然不載其官陝西據河
上楮談則此題乃元豐三年提刑秦鳳時也而系
銜有太常寺史又不載此題上有提舉口口口作
佐郎八字若據畫墁錄所云則當是提舉農田著
作佐郎也然史又不載其官著作佐郎皆當闕疑
俟攷章線附見章棗傳棗字質夫建州浦城人七

子第三子綜最知名第進士歷陝西轉運判官入
爲戶部員外郎張舜民字芸叟邠州人徽宗立擢
左諫議大夫徙吏部侍郎旋以龍圖閣待制知定
州改同州此題以崇寧五年丙戌王端章紱張舜
民章萊同登但署其貫而不系銜據傳則綜爲轉
運判官舜民知同州也章萊雖無攷以章竒傳證
之竒孫芟蓋皆附傳萊與芟蓋字皆从艸則亦竒
之諸孫綜之從子也徐處仁字擇之穀熟人累拜
中大夫尙書右丞丁母憂免喪以資政殿學士知
青州徙知永興軍何常字德固京兆人累官顯謨

閣待制知秦州李謨附見李南公傳南公之子也
鄭州人字智甫傳載其歷官陝西者四次初哲宗
朝由河東轉運判官徙陝西次以直龍圖閣知熙
州又次爲光祿卿後數年爲陝西轉運使又次代
錢昂爲鄜延帥復徙永興此題以政和改元同遊
而不系銜傳載歷官陝西而無年月故不能攷定
也司馬朴附見司馬池傳池曾孫光兄旦之孫也
字文季少育于外祖范純仁後以純仁遺恩爲官
累調晉寧軍士曹參軍中州集稱文季工書翰有
晉人筆意其遺墨有雪霽同韓公度登圓福寺閣

和李效之詩云云此題以政和四年與康訓种師
周李延祚李景儉同遊皆不署官位里貫不知司
馬朴卽其人否也張智周桑彥周孫昭遠趙君表
袁仙夫五人但題姓名而無官位年月惟孫昭遠
有傳云字顯叔眉山元祐間進士歷鳳翔天興
縣建炎元年累遷河南尹西京留守西道都總管
其冬金人來攻昭遠戰不利爲其下所害當卽其
人餘俱無攷

富平縣李太尉祠堂記

碑連額高一丈一寸廣四尺六分十二
行行三十字並額俱正書在富平縣

耀州富平縣唐李太尉祠堂記

著作佐郎知縣事王哲撰

華陰張大中書

主簿廖山甫題額

予口富平視事之踰月按圖邑之西三十里有李太尉墓誌曰臨淮也邑之西南十八里有廟曰赤眉誌不其載其事蓋炎劉中絕長安之亂厥號不滅里暉之所爲耳噫是可以篤訓耶因遣行視其墓則無有惟顏魯公爲其碑表存焉甚可怪也一日公撿按至其所召父老詢之則曰是東直七百步越廬井林木之外聞之李相

公罔也遂往視焉則東西二塚凹禾中僅存耳猶有石
獸按顏文西則司空公東則太尉也太尉忠謀武烈克
建大勲與郭汾陽偕爲唐社稷臣諸將無能出其右者
魯公清賢傑識爲文以表其墓顧下得春秋時祭而亂
臣賊子乃竊民之奉獨時祭而嚴畏之嗚呼俗狃淫祀
不知善惡之別也至於此亟命毀之以其材作太尉祠
堂使知忠賢勲勞可以享百世之祀亂臣賊子可以蒙
千古之誅不亦宜乎皇祐元年夏六月壬戌朔記

僧普臻刊

按李太尉卽唐李光弼也光弼累拜太尉兼侍中

進封臨淮郡王事蹟詳顏魯公撰神道碑已見本
書九十二卷唐書有傳碑文又載顏魯公集此碑
所稱西則司空公東則太尉司空公謂光弼之弟
光進也太平寰宇記載李光弼墓在富平縣西四
十里陝西通志則云在富平縣西北三十里覓子
店光弼墓旁卽太尉祠祠旁卽光進墓然則太尉
祠在兩墓之間矣碑亦云按國邑之西三十里有
李太尉墓疑寰宇記作四十里者訛也

改賜終南山官觀名額牒

石橫廣二尺七寸六分高一尺六寸十九行行
十字至十七字不等正書在西安府藍屋縣

順天興國觀住持賜紫道士王全矩書

中書門下

昧鳳翔

內中高品都知李神福送到劄子鳳翔道士張守真奏
乞改賜終南山官觀名額奉

聖旨依奏送中書

鳳翔終南山棲觀宜以順天興國之觀爲額昧

奉

勅如前昧至准

勅故昧

端拱元年十月十八日昧

戶部侍郎參知政事王

戶部侍郎參知政事辛

中書侍郎兼戶部尚書平章事呂

守太保兼侍中

大宋皇祐元年歲次己丑十一月丙申日建

師弟道士劉全穆 小師韓處淵胡處和李處清

觀主賜紫 道士強德安 梁志刊

按盤屋縣宋時屬鳳翔府故此牒云鳳翔終南山
樓觀也據牒順天興國觀額以端拱元年改賜陝
西通志訛作端拱三年長安志則云興國觀本名

宗聖觀太平興國三年改今名疑太平興國三年
所改者但有興國二字至端拱元年乃加順天二
字也牒以端拱元年賜至皇祐元年始刻石年月
後列銜四人據宰輔表戶部侍郎參知政事王者
王沔也戶部侍郎參知政事辛者辛仲甫也中書
侍郎兼戶部尚書平章事呂者呂蒙正也守太保
兼侍中不署姓乃趙普也勅牒之例宰相出使在
外則但列虛銜以表攷之則淳化元年正月趙普
出爲西京太守河南尹但其時是守太保兼中書
令非兼侍中若端拱元年則兼侍中加太保非守

太保表與牒彼此小異